

發心者利其虛明食彼精氣或不因師其修行人親自觀見稱執金剛與汝長命現美女身盛行貪欲未逾年歲肝腦枯竭口兼獨言聽若妖魅前人未詳多陷王難未及遇刑先已乾死惱亂彼人以至殞殞汝當先覺不入輪迴迷惑不知墮無間獄阿難當知是十種

魔於末世時在我法中出家修道或附人體或自現形皆言已成正偏知覺讚歎疑欲破佛律儀先惡魔師與魔弟子姪姪相傳如是邪精魅其心腑近則九生多踰百世今真修行摠為魔眷命終之後必為魔民失正偏知墮無間獄汝今未須先取寂滅縱得無學留

願入彼末法之中起大慈悲救度正心深信衆生令不著魔得正知見我今度汝已出生死汝遵佛語名報佛恩阿難如是十種禪那現境皆是想陰用心交互故現斯事衆生頑迷不自忖量逢此因緣迷不自識謂言登聖大妄語成墮無間獄汝等必須將如來語於

我滅後傳示末法徧令衆生開悟斯義無令天魔得其方便保持覆護成無上道

佛頂如來密因修證了義諸菩薩萬行首楞嚴經卷第九

溥中清慧如如切痲義 訐結媒薛

大佛頂如來密因修證了義諸菩薩萬行首楞嚴經卷第十

天生沙門般刺 密帝譯 烏菴國沙門彌伽釋迦譯語

菩薩戒弟子前 正議大夫同中書門下平章事清河房融筆受

阿難彼善男子修三摩提想陰盡者是人平常夢想銷滅寤寐恒一覺明虛靜猶如晴空無復麤重前塵影事觀諸世間大地山河如

鏡鑒明來無所黏過無蹤迹虛受照應了罔陳習唯一精真生滅根元從此披露見諸十方十二衆生畢殫其類雖未通其各命由緒見同生基猶如野馬熠熠清擾為浮根塵究竟樞穴此則名為行陰區宇若此清擾熠熠元性性入元澄一澄元習如波瀾滅化為澄

水名行陰盡是人則能超衆生濁觀其所由幽隱妄想以爲其本阿難當知是得正知奢摩他中諸善男子疑明正心十類天魔不得其便方得精研窮生類本於本類中生元露者觀彼幽清圓優動元於圓元中起計度者是人墜入二無因論一者是人見本無因何以故是人既得生機全破乘于眼根八百功德見八萬劫所有衆生業流灣環死此生彼祇見衆生輪迴其處八萬劫外冥無所觀便作是解此等世間十方衆生八萬劫來無因自有由此計度云正徧知墮落外道惑菩提性二者是人見末無因何以故是人於生既見其相知人生人悟鳥生鳥鳥從來黑鷄從來白人天本豎畜生本橫白非洗成黑非染造從八萬劫無復改移今盡此形亦復如是而我本來不見菩提云何更有成菩提事當知今日一切物象皆本無因由此計度亡正徧知墮落外道惑菩提性是則名爲第一外

道立無因論阿難是三摩中諸善男子疑明正心魔不得便窮生類本觀彼幽清常擾動元於圓常中起計度者是人墜入四徧常論一者是人窮心境性二處無因修習能知二萬劫中十方衆生所有生滅咸皆循環不曾散失計以爲常二者是人窮四大元四性常住修習能知四萬劫中十方衆生所有生滅咸皆體恒不曾散失計以爲常三者是人窮盡六根末那執受心意識中本元由處性常恒故修習能知八萬劫中一切衆生循環不失本來常住窮不失性計以爲常四者是人既盡想元生理更無流止運轉生滅想心今染已永滅理中自然成不生滅因心所度計以爲常由此計常亡正徧知墮落外道惑菩提性是則名爲第二外道立圓常論又三摩中諸善男子疑正心魔不得便窮生類本觀彼幽清常擾動元於自他中起計度者是人墜入四顛倒見一分無常一分常論一者是

人觀妙明心徧十方界湛然以為究竟神我
從是則計我徧十方疑明不動一切衆生於
我心中自生自死則我心性名之為常彼生
滅者真無常性二者是人不觀其心徧觀十
方恒沙國土見劫壞處名為究竟無常種性
劫不壞處名究竟常三者是人別觀我心精

細微密猶如微塵流轉十方性無移改能令
此身即生即滅其不壞性名我性常一切死
生從我流出名無常性四者是人知想陰盡
見行陰流行陰常流計為常性色受想等今
已滅盡名為無常由此計度一分無常一分
常故墮落外道惑菩提性是則名為第三外

道一分常論又三摩中諸善男子堅凝正心
魔不得便窮生類本觀彼幽清常擾動元於
分位中生計度者是人墜入四有邊論一者
是人心計生元流用不息計過未者名為有
邊計相續心名為無邊二者是人觀八萬劫
則見衆生八萬劫前寂無聞見無聞見處名

為無邊有衆生處名為有邊三者是人計我
徧知得無邊性彼一切人現我知中我曾不
知彼之知性名彼不得無邊之心但有邊性四
者是人窮行陰空以其所見心路籌度一切
衆生一身之中計其成皆半生半滅明其世
界一切所有一半有邊一半無邊由是計度

有邊無邊墮落外道惑菩提性是則名為第
四外道立有邊論又三摩中諸善男子堅凝
正心魔不得便窮生類本觀彼幽清常擾動
元於知見中生計度者是人墜入四種顛倒
不死矯亂徧計虛論一者是人觀變化元見
遷流處名之為變見相續處名之為恒見所
見處名之為生不見見處名之為滅相續之
因性不斷處名之為增正相續中中所離處
名之為滅各各生處名之為有互互亡處名
之為無以理都觀用心別見有求法人來問
其義答言我今亦生亦滅亦有亦無亦增亦
減於一切時皆亂其語令彼前人遺失章句

二者是人諦觀其心互互無處因無得證有人來問唯答一字但言其無除無之餘無所言說三者是人諦觀其心各各有處因有得證有人來問唯答一字但言其是除是之餘無所言說四者是人無俱見其境技故其心亦亂有人來問答言亦有即是亦無亦無之中不是亦有一切矯亂無容窮詰由此計度矯亂虛無墮落外道惑菩提性是則名為第五外道四顛倒性不死矯亂徧計虛論又三摩中諸善男子堅凝正心魔不得便窮生類本觀彼幽清常擾動元於無盡流生計度者是人墜入死後有相發心顛倒或自固身云色是我或見我圓含徧國土云我有色或彼前緣隨我迴復云色屬我或復我依行中相續云我在色皆計度言死後有相如是循環有十六相從此或計畢竟煩惱畢竟菩提兩性並驅各不相觸由此計度死後有故墮落外道惑菩提性是則名為第六外道立五

法
第十

四

陰中死後有相心顛倒論又三摩中諸善男子堅凝正心魔不得便窮生類本觀彼幽清常擾動元於先除滅色受想中生計度者是人墜入死後無相發心顛倒見其色滅形無所因觀其想滅心無所繫知其受滅無復連綴陰性銷散縱有生理而無受想與草木同此質現前猶不可得死後云何更有諸相因之勘校死後相無如是循環有八無相從此或計涅槃因果一切皆空徒有名字究竟斷滅由此計度死後無故墮落外道惑菩提性是則名為第七外道立五陰中死後無相心顛倒論又三摩中諸善男子堅凝正心魔不得便窮生類本觀彼幽清常擾動元於行存中兼受想滅雙計有無自體相破是人墜入死後俱非起顛倒論色受想中見有非有行遷流內觀無不無如是循環窮盡陰界八俱非相隨得一緣皆言死後有相無相又計諸行性遷訛故心發通悟有無俱非虛實失措

由此計度死後俱非後際昏瞢無可道故墮落外道或菩提性是則名為第八外道立五陰中死後俱非心顛倒論又三摩中諸善男子堅疑正心魔不得便窮生類本觀彼幽清常擾動元於後後無生計度者是人墜入七斷滅論或計身滅或欲盡滅或苦盡滅或極樂滅或極捨滅如是循環窮盡七際現前銷滅滅已無復由此計度死後斷滅墮落外道或菩提性是則名為第九外道立五陰中死後斷滅心顛倒論又三摩中諸善男子堅疑正心魔不得便窮生類本觀彼幽清常擾動元於後後有生計度者是人墜入五涅槃論或以欲界為正轉依觀見圓明生愛慕故或以初禪性無憂故或以二禪心無苦故或以三禪極悅隨故或以四禪苦樂二亡不受輪迴生滅性故迷有漏天作無為解五處安隱為勝淨依如是循環五處究竟由此計度五現涅槃墮落外道或菩提性是則名為第十

外道立五陰中五現涅槃心顛倒論阿難如是十種擇那狂解皆是行陰用心交互故現斯悟衆生頑迷不自忖量逢此現前以迷為解自言登聖大妄語成恆無間獄汝等必須將如來心於我滅後傳示末法徧令衆生覺了斯義無令心魔自起深孽保持覆護銷息邪見教其身心開覺真義於無上道不遭枝歧勿令心析得少為足作大覺王清淨標指阿難彼善男子修三摩提行陰盡者諸世間性幽清擾動同分生機倏然墮裂沈細網紐補特伽羅酬業深昧感應懸絕於涅槃天將大明悟如雞後鳴瞻顧東方已有精色六根虛靜無復馳逸內外湛明入無所入深達十方十二種類受命元由觀由執元諸類不召於十方界已獲其同精色不沈發現幽秘此則名為識陰區宇若於羣召已獲同中銷磨六門合開成就見聞通鄰互用清淨十方世界及與身心如吠瑠璃內外明徹名識陰盡

是人則能超越命濁觀其所由周象虛无顛倒妄想以為其本阿難當知是善男子窮諸行空於識還元已滅生滅而於寂滅精妙未圓能令己身根隔合開亦與十方諸類通覺覺知通溘能入圓元若於所歸立真常因生勝解者是人則墮因所因執娑毗迦羅所歸冥諦或其伴侶迷佛菩提亡失知見是名第一立所得心成所歸果遠遠圓通背涅槃城生外道種阿難又善男子窮諸行空已滅生滅而於寂滅精妙未圓若於所歸覽為自體盡虛空界十二類內所有衆生皆我身中一類流出生勝解者是人則墮能非能執摩醯首羅現無邊身成其伴侶迷佛菩提亡失知見是名第二立能為心成能事果遠遠圓通背涅槃城生大慢天我徧圓種又善男子窮諸行空已滅生滅而於寂滅精妙未圓若於所歸有所歸依自疑身心從彼流出十方虛空咸其生起即於都起所宣流地作真常身

無生滅解在生滅中早計常住既惑不生亦迷生滅安住沈迷生勝解者是人則墮常非常執計自在天成其伴侶迷佛菩提亡失知見是名第三立因依心成妄計果遠遠圓通背涅槃城生倒圓種又善男子窮諸行空已滅生滅而於寂滅精妙未圓若於所知徧圓故因知立解十方草木皆稱有情與人無異草木為人人死還成十方草樹無擇徧知生勝解者是人則墮知無知執娑毗迦羅所執一切覺成其伴侶迷佛菩提亡失知見是名第四計圓知心成虛謬果遠遠圓通背涅槃城生倒知種又善男子窮諸行空已滅生滅而於寂滅精妙未圓若於圓融根互用中已得隨順便於圓化一切發生求火光明樂水清淨愛風周流觀塵成就各各崇事以此羣塵發作本因立常住解是人則墮生無生執諸迦葉波并娑羅門勤心役身事火崇水求出生死成其伴侶迷佛菩提亡失知見是名

第五計著樂事迷心從物立妄求因求妄冀果違遠圓通背涅槃城生顛化種又善男子窮諸行空已滅生滅而於寂滅精妙未圓若於圓明計明中虛非滅羣化以永滅依爲所歸依生勝解者是人則憶歸無歸執無想天中諸舜若多成其伴侶迷佛菩提亡失知見

是名第六圓虛無心成空亡果違遠圓通背涅槃城生斷滅種又善男子窮諸行空已滅生滅而於寂滅精妙未圓若於圓常固身常住同於精圓長不傾逝生勝解者是人則憶貪非貪執諸阿斯陀求長命者成其伴侶迷佛菩提亡失知見是名第七執著命元立固

妄因趣長勞果違遠圓通背涅槃城生妄延種又善男子窮諸行空已滅生滅而於寂滅精妙未圓觀命互通却留塵勞恐其銷盡便於此際坐蓮華宮廣化七珍多增寶媛縱恣其心生勝解者是人則憶真無真執吒枳迦羅成其伴侶迷佛菩提亡失知見是名第八

發邪思因立熾塵果違遠圓通背涅槃城生天魔種又善男子窮諸行空已滅生滅而於寂滅精妙未圓於命明中分別精麤疏決真偽因果相酬唯求感應皆清淨道所謂見苦斷集證滅修道居滅已休更不前進生勝解者是人則憶定性聲聞諸無聞僧增上慢者

成其伴侶迷佛菩提亡失知見是名第九圓精應心成趣寂果違遠圓通背涅槃城生纏空種又善男子窮諸行空已滅生滅而於寂滅精妙未圓若於圓融清淨覺明發研深妙即立涅槃而不前進生勝解者是人則憶定性辟支諸緣獨倫不迴心者成其伴侶迷佛

菩提亡失知見是名第十圓覺溜心成湛明果違遠圓通背涅槃城生覺圓明不化圓種阿難如是十種禪那中塗成狂因依迷惑於未足中生滿足證皆是識陰用心交互故生斯位衆生頑迷不自忖量逢此現前各以所愛先習迷心而自休息將爲畢竟所歸寧地

自言滿足無上菩提大妄語成外道邪魔所感業終墮無間獄聲聞緣覺不成增進汝等存心秉如來道將此法門於我滅後傳示末世普令衆生覺了斯義無令見魔自作沈孽保綏哀救銷息邪緣令其身心入佛知見從始成就不遭歧路如是法門先過去世恒沙劫中微塵如來乘此心開得無上道識陰若盡則汝現前諸根互用從互用中能入菩薩金剛乾慧圓明精心於中發化如淨瑠璃內舍寶月如是乃超十信十住十行十迴向四加行心菩薩所行金剛十地等覺圓明入於如來妙莊嚴海圓滿菩提歸無所得此是過去先佛世尊奢摩他中毗婆舍那覺明分析微細魔事魔境現前汝能諳識心垢洗除不落邪見陰魔銷滅天魔摧碎大力鬼神褫魄逃逝魍魎魍魎無復出生直至菩提無諸少乏下劣增進於大涅槃心不迷悶若諸末世愚鈍衆生未識禪那不知說法樂修三昧汝恐

法

楞十

九

同邪一心勸令持我佛頂陀羅尼呪若未能誦寫於禪堂或帶身上一切諸魔所不能動汝當恭欽十方如來究竟修進最後垂範阿難即從座起聞佛示誨頂禮欽奉憶持無失於大衆中重複白佛如佛所言五陰相中五種虛妄爲本想心我等平常未蒙如來微細開示又此五陰爲併銷除爲次第盡如是五重詰何爲界惟願如來發宣大慈爲此大衆清淨心目以爲末世一切衆生作將來眼佛告阿難精真妙明本覺圓淨非留死生及諸塵垢乃至虛空皆因妄想之所生起斯元本覺妙明真精妄以發生諸器世間如演若多迷頭認影妄元無因於妄想中立因緣性迷因緣者稱爲自然彼虛空性猶實幻生因緣自然皆是衆生妄心計度阿難知妄所起說妄因緣若妄元無說妄因緣元無所有何況不知推自然者是故如來與汝發明五陰本因同是妄想汝體先因父母想生汝心非想

則不能來想中傳命如我先言心想醋味口中涎生心想登高足心酸起懸崖不有醋物未來汝體必非虛妄通倫口水如何因談醋出是故當知汝現色身名為堅固第一妄想即此所說臨高想心能令汝形真受酸澀由因受生能動色體汝今現前順益違損二現

驅馳名為虛明第二妄想由汝念慮使汝色身非念倫汝身何因隨念所使種種取像心生形取與念相應寤即想心寐為諸夢則汝想念搖動妄情名為融通第三妄想化理不住運運密移甲長髮生氣銷容皺日夜相代曾無覺悟阿難此若非汝云何體遷如必

是真汝何無覺則汝諸行念念不停名為幽隱第四妄想又汝精明湛不搖處名恒常者於身不出見聞覺知若實精真不容習妄何因汝等曾於昔年觀一奇物經歷年歲憶忘俱無於後忽然覆覩前異記憶宛然曾不遺失則此精了湛不搖中念念受熏有何壽筭

阿難當知此湛非真如急流水望如恬靜流急不見非是無流若非想元寧受想習非汝六根互用開合此之妄想無時得滅故汝現在見聞覺知中串習幾則湛了內罔象虛无第五顛倒微細精想阿難是五受陰五妄想成汝今欲知因界淺深唯色與空是色邊際

唯觸及離是受邊際唯記與忘是想邊際唯滅與生是行邊際湛入合湛歸識邊際此五陰元重疊生起生因識有滅從色除理則頓悟乘悟併銷事非頓除因次第盡我已示汝劫波中結何所不明再此詢問汝應將此妄想根元心得開通傳示將來末法之中諸修行者令識虛妄深厭自生知有涅槃不戀三界阿難若復有人徧滿十方所有虛空盈滿七寶持以奉上微塵諸佛承事供養心無虛度於意云何是人以此施佛因緣得福多不阿難荅言虛空無盡珍寶無邊昔有衆生施佛七錢捨身猶獲轉輪王位況復現前虛空

既窮佛土充徧皆施珍寶窮劫思議尚不能
 及是福云何更有邊際佛告阿難諸佛如來
 語無虛妄若復有人身具四重十波羅夷瞬
 息即經此方他方阿鼻地獄乃至窮盡十方
 無間靡不經歷能以一念將此法門於末劫
 中開示未學是人罪障應念銷滅變其所受
 地獄苦因成安樂國得福超越前之施人百
 倍千倍千萬億倍如是乃至算數譬喻所不
 能及阿難若有衆生能誦此經能持此呪如
 我廣說窮劫不盡依我教言如教行道直成
 菩提無復魔業佛說此經已比丘比丘尼優
 婆塞優婆夷一切世間天人阿脩羅及諸他
 方菩薩二乘聖仙童子并初發心大力鬼神
 皆大歡喜作禮而去

大佛頂如來密因修證了義諸菩薩萬行首楞嚴經卷第十

比丘智賢書

第一卷

音釋中九一字乃直言二字乃切音

輶音 毘音 汨音 溺音 誘音 研音

蹟音 筏音 詰音 輻音 綽音 璿音

筌音 檣音 沈音 愨音 邃音 著音

璿音 瓘音 佇音 闡音 姪音 旋音

奧音 匪音 佇音 闡音 姪音 旋音

跌音 獎音 麤音 遘音 矚音 牖音

豁音 搏音 綿音 忖音 竅音 挫音

憍音 墮音 戾音 翹音 晃音 矍音

縷音 揣音 昱音 施音 俶音 際音

盼音 眇音 眇音 眇音 眇音 眇音 眇音

第二卷

胝音 殞音 膝音 頽音 耄音 悴音

皴音 殞音 攜音 垢音 豎音 瞪音

瞽音 瞬音 漚音 瀛音 渤音 暝音

壅音 燉音 紆音 廡音 縮音 挽音

寶音 剖音 惛音 甄音 撮音 瞞音

捏音 玦音 迥音 翳音 骸音 澀音

腕貴 酢醋 踊音 餉式 貯丁

第三卷

吸翁 歎嘆 舐是 吻武 撞撞 銖珠

醍啼 翹朝 敢敢 擯鬢 爨竈 燧遂

鎔容 泮判 滔叨 陟竹 突陟 墨挂

爍式 灼

第四卷

蚋備 擾擾 溼濕 渾但 藪叟 絞亨

遞第 羯訃 過阿 蒲蒲 鑛古 靈理

羸初 魍搗 魅媚 怖普 祭警 疇疇

質茂 黏粘 頽頽 攬覽 疏其 恠吝

矯舉 遄洋 杵杵

第五卷

瘡虐 糅糅 滌迪 綰烏 緝葦 績則

鋒丰 掣尺 棘訖 鵠胡 縈始 倏叔

伺詩 蹉倉 翳翳 隘烏 闡還 闡潰

礫歷 激擊 啾即

第六卷

枷加 忿撫 瞋瞋 恚於 朗廬 垣表

唄敗 靴許 毳充 詒賦 禪早 蕪備

捶素 洩泄 噬誓

第七卷

軌究 膩女 膠交 靡靡 閑契 聯連

樺花 詛莊 磻楚 癘癘 扭丑 械下

鈍遜 剗枯 蠕而 蛻稅 槁考 梟澆

第八卷

瑩瑩 胤羊 鑽祖 複福 蟻孔 毅魚

冽列 吒陸 忤忤 概其 鉞日 鎗楚

鋸锯 剗寸 櫛櫛 擲真 踐踐 虺开

拋披 檣檣 鞫菊 壑壑 碾女 磴五

捺乃 蹙子 漉漉 誼誼 迸北 煽扇

愁茂 電弱 餒警 綻綻 呬作 髓髓

稍稍 俾俾 偃於 魃跋 魃於 蛔蛔

很下 島倒

第九卷

歧祁 勗許 凭凭 溜呼 眇弭 黯乙

蟻如招 耐乃代 氎疊 寢藝 銳青 謚委

肇北 訐居誦 牘徒谷 媒薛

第十卷

殫丹 熠文 環還 綴株衛 孽魚列 紐亮

霰先見 媛院 枳帟 禡尹奚 串憚

平江府茶場山超隱庵比丘 宗秀同

大毗盧遮那成佛神變加持經卷第一 詩

大唐中天竺三藏輸波迦羅共沙門一行譯

入真言門住心品第一

如是我聞一時薄伽梵住如來加持廣大金剛法界宮一切持金剛者皆悉集會如來信解遊戲神變生大樓閣寶王高無中邊諸大

倚

妙實王種種間飾菩薩之身為師子座其金剛名曰虛空無垢執金剛虛空遊步執金剛虛空生執金剛被雜色衣執金剛善行步執金剛住一切法平等執金剛哀愍無量眾生界執金剛那羅延力執金剛大那羅延力執金剛妙執金剛勝迅執金剛無垢執金剛刃迅執金剛如來甲執金剛如來句生執金剛住無戲論執金剛如來十力生執金剛無垢眼執金剛金剛手秘密主如是上首十佛刹微塵數等持金剛眾俱及普賢菩薩慈氏菩薩妙吉祥菩薩除一切蓋障菩薩等諸大菩薩前後圍繞而演說法所謂越三時如來之